



Broj: 16-12-16-1853-8 /25
I. Sarajevo, 16.04. 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d) člana 70. st. (1), (2), (4) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-1853/25 od 14.04.2025. godine, u postupku javne nabavke higijensko-potrošnog materijala za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke za
LOT 4 - Nabavka higijensko-potrošnog materijala za Regionalnu kancelariju Mostar

Član 1.

Poništava se postupak javne nabavke za LOT 4 - Nabavka higijensko-potrošnog materijala za Regionalnu kancelariju Mostar, putem Konkurentskog zahtjeva, za koje je obavještenje o javnoj nabavci broj 1161-7-1-80-3-48/25 objavljeno na Portalu javnih nabavki 18.03.2025. godine i u „Službenom glasniku BiH“, broj 19/25 od 28.03.2025. godine, iz razloga što nije zaprimljena nijedna prihvatljiva ponuda.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-1853-1/25 od 06.03.2025. godine, pokrenut je postupak javne nabavke higijensko-potrošnog materijala za potrebe Državne agencije za istrage i zaštitu (u daljem tekstu: Agencija), za period od tri godine, procijenjene vrijednosti 48.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom

finansiranju institucija Bosne i Hercegovine za period januar - mart 2025. godine, broj 05-16-2-7582-1/24 od 17.12.2024. godine i Dokumenta okvirnog budžeta 2025. -2027. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23). Predmet javne nabavke podijeljen je na lotove:

- LOT 1 - Nabavka higijensko-potrošnog materijala za sjedište Agencije u Istočnom Sarajevu, procijenjene vrijednosti 30.000,00 KM bez uračunatog PDV-a;

- LOT 2 - Nabavka higijensko-potrošnog materijala za Regionalnu kancelariju Banja Luka, procijenjene vrijednosti 6.000,00 KM bez uračunatog PDV-a;

- LOT 3 - Nabavka higijensko-potrošnog materijala za Regionalnu kancelariju Tuzla, procijenjene vrijednosti 6.000,00 KM bez uračunatog PDV-a;

- LOT 4 - Nabavka higijensko-potrošnog materijala za Regionalnu kancelariju Mostar, procijenjene vrijednosti 6.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 02.04.2025. godine do 13:00 sati, te da se ponude dostavljaju u zatvorenoj koverti, Komisija je dana 02.04.2025. godine u 14:00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno tri ponude i to:

R/B	Naziv/ime ponuđača	LOT	Ponuđena cijena (bez PDV-a) u KM
1.	„MT-TRADE“ d.o.o. Foča	LOT 1	29.998,00 KM
2.	„AERO EXCLUSIVE“ d.o.o. Sarajevo	LOT 1	29.928,35 KM
		LOT 2	5.875,99 KM
		LOT 3	5.981,10 KM
3.	„DEFTER“ d.o.o. Sarajevo	LOT 1	29.996,93 KM
		LOT 2	5.955,23 KM
		LOT 3	8.559,61 KM
		LOT 4	7.601,36 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuda ponuđača „DEFTER“ d.o.o. Sarajevo za LOT 4 - Nabavka higijensko-potrošnog materijala za Regionalnu kancelariju Mostar premašuje procijenjenu vrijednost javne nabavke za LOT 4, a koja je propisana tačkom II. Odluke o pokretanju postupka javne nabavke higijensko-potrošnog materijala za potrebe Agencije broj 16-12-16-1853-1/25 od 06.03.2025. godine. Naime, ponuđena cijena ponude ponuđača „DEFTER“ d.o.o. Sarajevo za LOT 4 iznosi 7.601,26 KM bez uračunatog PDV-a, a procijenjena vrijednost javne nabavke za LOT 4 iznosi 6.000,00 KM bez uračunatog PDV-a.

Imajući u vidu da ponuda ponuđača „DEFTER“ d.o.o. Sarajevo za LOT 4 neprihvatljiva odnosno da prelazi osigurana novčana sredstva Agencije, Komisija navedenu ponudu nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se u skladu sa članom 69. stav (2) tačka d) Zakona, poništi postupak javne nabavke za LOT 4 - Nabavka higijensko-potrošnog materijala za Regionalnu kancelariju Mostar, iz razloga što nije zaprimljena nijedna prihvatljiva ponuda, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (3x);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Darko Čulum

